





C 83

pt





1257/7  
LA  
DESCOVERTURE  
DES DENIERS SALES,  
dediée au Roy, & à messieurs  
des Estats à Blois: Papier

*Auuis tres-vtile & necessaire pour le  
recouurement de notables sommes de finã-  
ces sur les partizans du sel:*

Au grand soulagement:  
du peuple.



A PARIS,  
Ioute la coppie de Denys Duval  
M. D. LXXXVIII.

*Auec Priuilege.*



CASEY

F

39

.326

1588CW

THE NEWBERRY  
LIBRARY



# AV ROY,

*Et à messieurs des Estats.*



IRE,

AIANT pleu à vostre  
Maejsté faire conuoquer  
& assébler à Blois les Estats  
generaux de cestuy vostre Royaume  
permettre & commander à voz sub-  
iets d'y proposer en toute liberté ce  
qu'ils iugeront necessaire pour l'vtili-  
té, bien, & soulagement d'iceluy: Sa-  
tisfaisans à voz commandemens & à  
nostre deuoir, n'auons voulu faillir  
de représenter à vostre ditte Majesté  
en si notable assemblée vne proposi-

A ij

tion par nous mise en auant dès l'année. 1584, pour le grand parti du sel, reuerant à la foule de vos subiects, & grande diminution de voz finances, ainsi qu'il est cy apres contenu.

VOSTRE Majesté se resouuendra, s'il luy plaist, qu'à S. Germain en Laye, sur la fin du moys de Nouembre 1584, les vingt mil muidz de sel proposez par le president Mallet, & Bobier secretaire de feu monsieur vostre frere, se vendre annuellement és grenierz des dix generalitez du grand parti, se verifierent estre entrez nettement en iceux en l'année commune des dix précédentes, qui est la vraie eualuation receue par tout le mode, & la plus certaine, le dechet ordinaire deduit & rabbatu, suiuant l'ordonnance, & quatre cents quatrevingts deux muids huyt septiers deux minots



nots d'auantage par chacune desditte  
dix anneés, les maistres des comptes  
à ce deputez par vostre Majesté, ap-  
peléz & ouys.

Puis qu'iceux vingt mil muids y  
sont entrez, les greniers estans lors  
desgarnis, est d'argument nécessaire  
qu'ils eussent esté vendus.

De cette preuue & verification so-  
lennellement faite en plain conseil,  
à plusieurs & diuerses fois, avec tou-  
tes les obseruances requises, depend  
le bien de vostre seruice & soulage-  
ment de voz subiets en cette occur-  
rence.

Parce qu'en ladicte quantité de  
vingt mil muids, à la mesure de Pa-  
ris, sont neuf cents soixante mil mi-  
nots.

En ladicte année 1584, le partizan  
leuoit sur chacun minot, l'un portāt  
l'autre, ainsi qu'il est trescertain &

notoire par les menus des adiudica-  
tions lors representees , & que les  
propofans ont en main , qui ne peu-  
uent receuoir contredit , quatre li-  
ures deux fols deux deniers obolle,  
pour l'ancien droit de gabelle, quatre  
creues, & deux demis parisis.

A vn escu le minot , les neuf cents  
soixante mil minots valent,

*neuf cents soixante mil escus.*

Pour vingt fols, *trois cents*

*vingt mil escus.*

Chacun fols reuient à seize mil escus

Pour les deux fols, *trente*

*deux mil escus.*

Chacun denier reuient à treze cents trente  
trois escus vn tiers.

Pour les deux deniers obolle, *trois*  
*mil trois cents trente trois escus vn tiers*

*Somme totale de la recepre dudit*  
*parti par chacun an, treze cents quin-*  
*ze mil trois cents trente trois escus vn*  
*tiers.*

LE CONTRACT du partizan com-  
mencé en Octobre 1582, & qui a fini  
le dernier de Septembre 85, represēté  
n'est conceu que pour huit cents mil  
escus.

Qui de la recepte de treze cents  
quinze mil trois eēts trēte trois escus  
vn tiers, en leue huit cents mil, &  
laisse quinze mil trois cents trente  
trois escus vn tiers pour les frais de la  
leuee.

**R**ESTE de pure perte à vostre Ma-  
jesté par chacun an sur ledit par-  
ti, cinq cents mil escus.

Et pour les trois annees dudit par-  
ti, quinze cents mil escus.

CONTRACT COM-

*mencé en Octobre 85, pour les trois  
annee finissantes le dernier Se-  
ptembre octante huit.*

**L** Edit parrizan iouir de trois cets  
tréte six mil escus d'augmenta-  
tion, plus que son dauancier, à cause  
de xx i. s. de creuë pour minor: Par-  
tant la recepte monte par an, les frais  
de la leuee deduits, & rabbatus, ainfi  
que dessus, seize cents trente six mil  
escus.

Vostre Maiesté a de perte par cha-  
cun au sur ledit parti, huit cents tren-  
te six mil escus.

bail, finissantes le dernier iour de Se-  
ptembre 1588, deux millions cinq  
cents huit mil escus.

*Somme de perte à Vostre Majesté  
pour les six années, finissantes le  
dernier de Septembre 88, quatre  
milllions huit mil escus.*

## CONTRACT DE ROUSSELAY

Soit cy pris garde.

SERA noté & remarqué qu'au  
premier



premier quartier de son bail, com-  
mençant en Octobre, Nouëmbre, &  
Dëcembre 78, encores qu'il ne iouist  
que de quinze escus pour muid, pour  
l'ancien droit de gabelle, & des qua-  
tre creuës, il a eu fond suffisant pour  
fais faire à sondit bail, soit à l'espar-  
gne, paier rentes, faire le rachapt  
d'icelles, retirer les bagues qui estoient  
en Allemagne, ensemble pour l'in-  
terest de ses pretendues aduances, &  
plus de cinquante mil liures d'auan-  
tage,

Tellement que delà on peut clai-  
rement voir & cognoitre, que tous  
prests & formes d'aduances faites à  
vostre Majesté par le partizan & ses  
adherans, avec les pretendus desdom-  
magements de leurs contrats, sont  
imaginaires & pures piperies, n'estas  
que des deniers de laditte ferme, qui  
appartiennent à vostre ditte Majesté,



cinquante mil escus, que se monte  
laditte cottization, plus de trois ou  
quatre cents mil escus.

Et d'autant, Sire, que les propo-  
sans ont cy deuant representé vn re-  
glement pour faire mettre les fermes  
a leur iuste valeur, faite entrer nette-  
ment dedans vos coffres vos deniers  
du sel, cesser la faux-faulnerie tant par  
mer que par terre, & que quel que in-  
iure du temps qui sauroit aduenir, le  
sel ne pourra encherir, ny vos subiets  
en auoir necessité sans que les adiu-  
dicataires sen puissent fournir en E-  
spagne pour auoir excessiue augmen-  
tation de pris, ainsi qu'ils ont cy de-  
uant practiqué contre vos ordon-  
nances.

Ontaussi representé Estat au vray-  
fair sur les menus des adiudications  
particulieres de vos greniers: Côte-  
nant, que les charges du bail du par-  
tisan,

tizan, au lieu des neuf années, qu'il auoit pour y satis faire, se pouuoient acquiter & accomplir en six, avec gaing de plus de cinq cets mil liures

Vostre Majesté aura esgard s'il luy plait, à ce que dessus. Comme au plus grand & important aduis pour le fait de vos finances, qui vous ait esté parcy deuant représenté, considéré la nature & facilité de la recepte, à laquelle & non à vos autres deniers, contribuēt sans contrainte, les trois ordres de vostre Royaume: Et des fruits qui en prouiendront, Ordonner que lesdits Mallet & Bobier, qui ont fidellemēt vacqué en ce beau grand fait & negoce, avec grāds frais & despeses, par l'espace de cinq années, seront recompenséz, & remboursez de leurs frais contenus en la declaration mise, par cōmandement de monsieur le Chancelier, és mains

B iij

de monsieur Marcel, intendant de  
voz finances, dès le mois de Ianuier  
1585, affin qu'ils puissent paier leurs  
amys qui pour cet effait les ont assi-  
stez de moyens, & continuer le reste  
de leurs vies, le tres-humble, & fi-  
delle seruice qu'ils doiuent à vostre  
Majesté. **F I N.**

